



Kommunalbestyrelsi 30. April 2019 nal. 10.00

Kommune Qeqertalik
Kommunalbestyrelsip

Hansen, Ane	IA
Olsen, Peter	IA
Sørensen, Hector Lennert	IA
Samuelsen, Aqqa	IA
Aronsen, Hans	IA
Petersen, Thomas	IA
Kristensen, Niels	IA
Jeremiassen, Kristian	IA
Svane, Jess	S, sinnerlugu Hansiaraq Zeeb
Sandgreen, Enok	S
Mølgaard, Timooq	S
Jeremiassen, Otto	S
Frederiksen, I Ole	S
Broberg, Kristian	S
Kristensen, Naja	A

Ataatsimiinnermi aqutsisoq:	Ane Hansen, IA
Allatsi:	Alida C. Rafaelsen
Ataatsimiinneq:	Oqarasuaatikkut ataatsimiinneq

Ullormut oqaluuserisassat

19-020 Kommunalbestyrelsimi sulinngiffeqarnissamut qinnuteqaat.....	3
19-021 Kommune Qeqertalimmi tapiisarnermut ileqqoreqqusaq.....	5
19-022 Qeqertarpaat Tusaataata 93Mhz sullissinissamik isumaqatigiissutissatut qinnuteqaataa aningaasanik 350.000,-kr annertussusilimmik imaqartoq.....	7
19-023 Missingersuut 2019-imi kontoqarfik 7 - Sanaartorneq iluarsaannera.....	9
19-024 Konto 7-ip iluanit aamma konto 7-mit konto 48-mut aningaasanik nuussinissamik qinnuteqaat.....	11
19-025 Pilersaarutitut siunnersuut Kangaatsiap atuarfia.....	12
19-026 Aasianni utoqqaat illuata allinissaata suliariumannittussarsiuunneqarnerani angusat.....	14
19-027 Aningaasaqarnermut inatsisissamut 2020-mut sanaartornissamik kissaatit.....	16
19-028 Domsmand-inik toqqaaneq Eqqartuussisoqarfik Qaasuitsup 2018-2021.....	18
Ilisimatitsissutit	19
Ataatsimiinneq naavoq	21
Atsiorfissat	21

Oqaluuserisag	Oqaluuserisassat akuerineqarnerat
---------------	-----------------------------------

Allaffissornikkut oqaaseqaatit:**AALAJANGERNEQ:**

Oqaluuserisassat taamatut isikkoqartillugit akuerineqarput.

Suliap nr.	19-020	Ilanng. nr.	Journal nr.
Oqaluuserisassaq			
Kommunalbestyrelsimut sulinngiffeqarnissamut qinnuteqaat			

EQIKKAANEQ:

Kommune Qeqertalik-mi Kommunalbestyrelsimi Siumut sinnerlugu ilaasortaq Jess Svane, Naalackersuisunngortinneqarnini pillugu, Kommune Qeqertalik-mi Kommunalbestyrelsimi ilaasortatut sulinngiffeqarallarnissaminut qinnuteqarpoq ulloq 11. april 2019. Kommunalbestyrelsimut sulinngiffeqarnissamut qinnuteqarneq sinniisussamillu isertitsineq, Kommunit aqunneqarnerat pillugu Inatsisartut inatsisaat nr. 29. 17. November 2017-imeersoq malillugu Kommunalbestyrelsi aalajangiisussaataaavoq.

SULIAP SULIARINEQARNERA:

Kommunit aqunneqarnerat pillugu inatsit qulaani taaneqartumi, ilaasortaq minnerpaamik qaammatini marlunni sulinngiffeqarnissamik qinnuteqarsinnaatitaavoq piumasaqaataasut naammassingunigit. Piumasaqaatillu ukuusut naammassineqarput: Ilaasortaq kommunalbestyrelsip ataatsimiinnissaani napparsimanini, naartunini, erninini, meeravissiartaarnini, inuiaqatigiinni sullissisussaataalluni pisussaaffilgaanini, inuutissarsiutini assigisaalluunniit pissutigalugit sulinngiffeqarnissamut qinnuteqarsinnaavoq. Taamaattorli ilaasortap kommunimi pisussaaffini suliareqqissinnaalerunigit, kommunalbestyrelsimut ilaasortanngoqqissaaq.

Kommune Qeqertalik-mi Kommunalbestyrelsimut Siumut sinnerlugu sinniisussatut siullertut inissisimasooq isertinneqassaaq

Sinniisussap Kommunalbestyrelsimut sinniisussatut isertinneqarnissaminut qinigaasinnaanermut piumasaqaataasut, Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. November 2016-meersumi §1 aamma § 5 naammassivai.

Kommunalbestyrelse-mut ilaasortap Jess Svane-ip ilaasortaaffigivaa:

- Ataatsimiititaliaq INUA
- Ataatsimiititaliaq INUIT

sinniisussaaffigalugit ataatsimiititaliat

- Ataatsimiititaliaq TIMI TARNILU, sinniisuuffingalugu Kristian Broberg

Taamaattorli ilaasortap kommunimi pisussaaffini suliareqqissinnaalerpagit, sinniisussaq kommunalbestyrelsimut tunuassaaq.

ANINGAASATIGUT KINGUNISSAI:

Kingunissaqanngilaq

INATSISITIGUT TUNNGAVIUSOOQ:

Kommunit aqunneqarnerat pillugu Inatsisartut inatsisaat nr. 29. 17. November 2017-imeersoq Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. November 2016-imeersoq.

INASSUTEQAAT:

Allattoqarfik INUA-ata Kommunalbestyrelsimut inassuteqaatingaa:

Jess Svanep-ip sulinngiffeqarnissamut qinnuteqaataa akuereqqullugu

Sinniisussaq siullertut inissisimasooq kommunalbestyrelsimut sinniisussatut isertinneqarnissaa akuereqqullugu

Sinniisussap siulliup ataatsimiititaliat ilaasortaaffissaa sinniisuuffissaalu akuereqqullugit

ILANNGUSSAT:

Ilanngussaq 20-01 Jess Svane-ip kommunalbestyrelsimi ilaasortatut sulinggiffeqarnissamut qinnuteqaataa

AALAJANGERNEQ: Ulloq 23. April 2019 ataatsimiititaliaq INUA immikkut ittumik ataatsimikkami

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq. Hansiaraq Zeeb sinniisussatut isertinneqarpoq.

Suliap nr.	19-021	Ilanng. nr.	1	Journal nr.	
Oqaluserisag	Kommune Qeqertalimmi tapiisarnermut ileqqoreqqusaq				

EQIKKAANEQ:

Kommune Qeqertalimmi kommunalbestyrelsep tapiisarnermut ileqqoreqqusaq 28. Februar 2019 oqallisigivaa. Amerlanerussuteqartunillu aalajangerneqarpoq. Ataatsimiititaliamut Timi Tarnilu-mut utertinneqassasoq tassanilu siunnersuutit allannguutissallu assigiingitsut siunnersuutigineqartut pillugit oqallisigalugillu aalajangerneqarnissaat innersuussutugalugu. Ilaatigut allannguutissani uku nalilersoqqitassatut taaneqarput. §3, imm. 10 - §4 imm. 4 - §7, imm. 9 - §8 imm. 4 tamatuma saniatigut ataatsimiititaliami Timi Tarnimilu 07-03-2019 tapiisarnermut ileqqoreqqusaq sularineqarpoq. Tassani isumaqatigiissutigineqarpoq §3 imm 10 tusarniutigineqassasoq tamannalu maannakkut pisimalerpoq. Ilanngussami oqaaserineqartut nutserneqarneri takuneqarsinnaapput.

INATSISITIGUT TUNNGAVIUSOQ:

- Kulturikkut ingerlatsineq sunngiffimmilu sammissassaqtitsineq pillugit Inatsisartut inatsisaat nr. 15, 6. juni 2016-imeersoq
- Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq
- Meeqqat inuusuttullu suliniaqatigiivinut init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq
- Folkehøjskolit pillugit Inatsisartut inatsisaat nr. 24, 18. november 2010-meersoq

SULIAP SULIARINEQARNERA:

Ataatsimiititaliaq TIMI TARNIMILU tapiisarnermut ileqqoreqqusamik akuersippat, suleriaaseq malillugu Kommunalbestyrelsep ataatsimiiffissaani ulloq 28. Februar 2019. Akuersissutigineqarnera naqissuserneqassasoq atsiorneqarlunilu ataatsimiititaliap siulittaasuanit kiisalu Borgmesterimit. Taassuma malitsigisaanik tapiiniissamut immersungassat kalaallisut qallunaatullu akuerisassanngorlugit ilanngunneqarput.

ILANNGUSSAT:

Ilanngussaq 21-01 Tapiisarnermut ileqqoreqqusaq

Ilanngussaq 21-02 Søfartstyrelsen michael lantz

Ilanngussaq 21-03 Tapiiffigineqarnissamut qinnuteqarfissaq Kommune Qeqertalik

Ilanngussaq 21-04 Ansøgningskema Tilskud Kommune Qeqertalik DK.

INASSUTEQAAT:

Ataatsimiititaliaq TIMI TARNIMILU Tapiisarnermi ileqqoreqqusap isummerfigissagaa innersuussillunilu Kommunalbestyrelsep ataatsimiinnissaannut akuerineqaqqullugu inassuteqaateqarpoq.

AALAJANGERNEQ: Ulloq 05. April 2019 ataatsimiititaliaq TIMI TARNILU –lu ataatsimiikkami

Akuersissutigineqarpoq.

AALAJANGERNEQ: Ulloq 16. April 2019 ataatsimiititaliaq INUA ataatsimiikkami

Inassuteqaat akuerineqarpoq

AALAJANGERNEQ:

Inassuteqaat akuerineqarpoq.

Suliap nr.	19-022	Ilanng. nr.	1	Journal nr.	
Oqaluuserisag	Qeqertarpaat Tusaataata 93Mhz sullissinissamik isumaqatigiissutissatut qinnuteqaataa aningaasanik 350.000,-kr annertussusilimmik imaqartoq.				

EQIKKAANEQ:

Kommune Qeqertalinngornitsinnut atatillugu innuttaasunut pitsaasumik paasissutissanik pitsaasumik siaruarternissamut atatillugu Qeqertarpaat Tusaataat 93Mhz aningaasanik 350.000,-kr annertussuseqartunik qinnuteqaateqarpoq.

INATSISITIGUT TUNNGAVIUSOQ:

Soqanngilaq

SULIAP SULIARINEQARNERA:

Kommune Qeqertalik pilersinneqarmat ilanngullugu pitsaasumik tusaateqarnissaq aaqqiivigiumallugu Qeqertarpaat Tusaataat 93Mhz 175.000,- kr Timi Tarnimilu 19. Januar 2018 ataatsimiikkami tapiivigineqarpoq, illoqarfinni Aasiaat, Qasigiannugit, Qeqertarsuaq aammalu Kangaatsiami attaveqaatinut inerisaanissamut. Maannamullu tamanna iluatsissimalerpoq. Tullinnguuttorlu sulinissamik isumaqatigiissutitut ittumik suliaqartoqarnissaa, tamannalu pillugu ataatsimiinnerit assigiinngitsut ingerlanneqareerneranni qinnuteqaatit piumasaqaatitaqartut maanna anngunneqarsimalerput. Ilaatigut imatut imaqartut: Qeqertarpaat Tusaataat 93Mhz-ip Kommune Qeqertalimmi Tusagassiisarneq pillugu sullissinissamik isumaqatigiissut malillugu suliassanik imaattunik saqummiussaqaarnerat.

- Nalunaarutininik sunilluunniit innuttaasunut nalunaarutigineqartussanik nalunaaruteqarneq
- Nalunaarutit ullurmit ullormut Aasianni, Kangaatsiami, Qeqertarsuarmi kiisalu Qasigiannugani kommunep allaffiiniit nassiunneqartut toqqaannartumik atuaannagassat, aamma siumoortumik pilersaarutaareersunik – immiullugit suliaralutik nipinik ilisarnaaserlugit suliarineqartussat atorlugit.
- Ataatsimiititalianik ilisaritsinerit aamma tusangassaqaartitsinerit. Suliat suunerinik, aamma siunniussinernik imaqartussat.
Ilanngussaq takuuk.

*Ulloq 20. Marts 2019 ataatsimiititaliaq INUA ataatsimiinnermini aalajangerpoq. Oqaluuserisag ataatsimiititaliaq TIMI TARNILU-mut utertinneqarpoq, aningaasanik aallerfissamik konto-nik isumaqatigiittoqaqqaartariaqarnera pissutingalugu.

ANINGAASATIGUT KINGUNERISASSAI:

Aningaasat illoqarfikkaartumik konto 59-miit aaneqarnissaat innersuussutigineqarpoq. Aningaasartuutissap annertussusilerneqarnerinut illoqarfinni inuttaqqussuseq aallaavigineqarpoq. Imatullu isikkoqarput:

Aasiaat	59-00-10-35-00	196.000,-kr.
Qasigiannugit	59-00-30-35-00	66.000,-kr.
Qeqertarsuaq	59-00-40-35-00	53.000,-kr.
Kangaatsiaq	59-00-35-35-00	35.000,-kr.

Katillugit

350.000,-kr.

INASSUTEQAAT:

Ataatsimiititaliaq TIMI TARNIMILU innersuussuteqarpoq aningaasat aaneqarfissaat akuersissutigeqqullugu INUA-nullu akuersissannorlugu ingerlatinneqaqqissasoq inassuteqaatigineqarpoq.

ILANNGUSSAT:

Ilanngussaq 22-01 Sullissinissamut isumaqatigiisummut najoqqutassaq

Ilanngussaq 22-02 Qeqertarpaat Tusaataat servicekontrakt kal.

Ilanngussaq 22-03 Qeqertarpaat tusaataat servicekontrakt qal.

AALAJANGERNEQ: Ulloq 07.marts 2019 ataatsimiititaliaq TIMI TARNILU ataatsimiikkamik

Inassuteqaat akuersissutigineqarpoq.

AALAJANGERNEQ: Ulloq 20. Marts 2019 ataatsimiititaliaq INUA ataatsimiikkami

Oqaluuserisaq ataatsimiititaliaq TIMI TARNILU-mut utertinneqarpoq, aningaasanik aallerfissamik
konto-nik isumaqatigiittoqaqqaartariaqarnera pissutingalugu.

AALAJANGERNEQ: Ulloq 05.april 2019 ataatsimiititaliaq TIMI TARNILU ataatsimiikkami

Inassuteqaat akuersissutigineqarpoq.

AALAJANGERNEQ: Ulloq 16. April 2019 ataatsimiititaliaq INUA ataatsimiikkami

Inassuteqaat akuerineqarpoq

AALAJANGERNEQ:

Inassuteqaat akuerineqarpoq.

Suliap nr.	19-023	Ilanng. nr.	3	Journal nr.	
Oqaluuserisaq	Missingersuut 2019-imi kontoqarfik 7 - Sanaartorneq iluarsaanera				

EQIKKAANEQ:

Missingersuut 2019-imi kontoqarfik 7 – Sanaartorneq iluarsaanearpoq, sanaartugassat missingersuummi 2018-imi ilanngunneqanngitsoorsimasut missingersuut 2019-imut ilanngunneqarput. Ataatsimoorussamik sanaartorfigissaanermut aningaasaliissutit Illoqarfinnut sisamanut agguarneqarlutik. Illuliortitsinermut aningaasaliissutit konto-mut allamut nuunneqarlutik.

SULIAP SULIARINEQARNERA:

Missingersuummi 2018-imi ukiunut missingiuteqarfiusumiittut missingersuummut 2019-imut ikkunneqarput. Tamanna pisinnaalersimavoq 2019-imut ataatsimoortumik tapiissutit kommuninut agguataarneqarneri toqqammavigalugit, Nunaqarfinnut isorliunerusunullu inissialiornissamut pilersaarut aamma Nammineq inissianik tapiissutitalimmik sanaartorneq konto 9-mut nuunneqarnerisa kingorna periarfissaq piulerami.

Taassuma saniatigut Namminersorlutik Oqartussanut qinnuteqaasiarineqarnikuugaluartut kommunip nammineerluni sanaartugassaminut missingersuutaanut innersuunneqarput.

Taakkunani pilersaarutit ataani takuneqarsinnaapput:

Qeqertarsuaq: Inissiarsuit arfinillit, immikkoortukkuutaanut pingasunut sanaartorneq ingerlanneqarsinnaasoq.
Ilaqutariit illuliassaannut arfineq pingasunut sanaartorfigissaaneq.

Pilersaarutit ukiunut missingiuteqarfiusumiittut ataani pineqartut ilanngunneqarput:

Aasiaat: Inuusuttunut inissiat 16-it

Aqqusinilerinissamut missingersuummi 2018-imi missingersuusiorfiusussamut 2019-imut inissinneqarnikut missingersuummut 2019-imut innersuunneqarput. Uani inoqarfiit pineqarput: Qasigiannugit, Kitsissuarsuit, Ikerasaarsuk aamma Iginniarfik.

INATSISITIGUT TUNNGAVIUSOQ:

Soqanngilaq

KINGUNISSAI:

Inoqarfinni sanaartornermut suliassat allannguuteqarput. Ukiumut tulliuttumut sanaartugassaq ataaseq siuartinneqarpoq. Aqqusinigissaanerit piffinni sisamaasuni ingerlanneqarsinnaassapput. Kommunitsinni sanaartorfigissaaneq ukiuni arlaqartuni uninnganikuulluni ingerlanneqalissaaq. Taamaalinikkut sanaartornissamut periarfissat annertusineqarlutik.

ANINGAASATIGUT KINGUNISSAI:

Sanaartornermut aningaasaliussat ilanngussami inissisimalerfii takuneqarsinnaapput.

SULIAP SULIARINEQARFIA:

Kommunalbestyrelse

ILANNGUSSAT:

Ilanngussaq 23-01 Missingersuut 2019 akuerineqarnikoq
Ilanngussaq 23-02 Missingersuut 2019 iluarsaannikoq akuerineqartussaq

INASSUTEQAAT:

Allattoqarfiup ataatsimiititaliaq INOQARFIK siunnersorpaa Siunnersuut akuerineqassasoq,
Ataatsimiititaliamut INUA-nut akuereqqitassanngoriarlugu Kommunalbestyrelse-mut
akuereqqitassanngorlugu.

AALAJANGERNEQ: Ulloq 03.april 2019 ataatsimiititaliaq INOQARFIK ataatsimiikkami

Inassuteqaat akuerineqarpoq. Ilanngullugu nunaqarfinni aqqusernit iluarsaannissaannut
anigaasaliissuteqarnerisoq INOQARFIK-miik misissorneqassaaq.

AALAJANGERNEQ:

Inassuteqaat akuerineqarpoq.

Suliap nr.	19-024	Ilanng. nr.		Journal nr.	
Oqaluuserisaq	Konto 7-ip iluanit aamma konto 7-mit konto 48-mut aningaasanik nuussinissamik qinnuteqaat				

UTEQQIINEQ:

Ukioq 2018-imut naatsorsuutit suliarineqarnerini inissianut pilersaarummit ("nunaqarfiit isorliunerusullu inissialerfigineqarnerata pilersaarutaa"-nit aamma "namminerisamik illuliortitsinermut tapiissutit"-nit attartornerit ingerlatsineq atorlugu naatsorsuutitut nuunneqarsinnaannginneri maluginiarpavut. Taamatutaaq ukioq 2018-imi innarluutilinnut aningaasartuutit ilimagisamit amerlaneruneri paasivarput taamaattumik 2019-mut missingersuutit nalimmassarneqarnissaminnik pisariaqartitsipput. Konto 70-p iluanit aningaasanik nuussineq Inoqarfimmit akuerineqarpoq. Nuussineq taanna Inoqarfimmit inassuteqaammi atuarneqarsinnaavoq.

SULIAMIK SAQQUMMIUSSINEQ:

Ukioq 2018-imut naatsorsuutit suliarineqarnerini inissianut pilersaarummit attartukkat ingerlatsineq atorlugu naatsorsuutit aningaasartuutit nalunaarsorneqarsinnaannginneri paasivarput. Attartukkatut taakkua taamaallaat nalunaarsorneqarsinnaapput aamma taamaattumik attartortitsinerit ukiup naanerani inernernut sunniuteqassanngillat.

Attartortitsisoqarnissaanik neriorsuinerit kiisalu attartortitsinerit taamaattumik killiffiit nalunaarsorneqartarnerinut taamaallaat nalunaarsorneqarsinnaapput, taannalu attartornissamik neriorsuutit tunniunneqarnissaasa tungaannut aningaasartuuteqarnermik nalunaarsuiffiusarpoq, aningaasat attartukkat akilersorneqarneri naapertorlugit pisassatut nalunaarsorneqalertarput. Konto 7-p, sanaartornerup, ataani Inoqarfimmit konto 7-p iluani pilersaarutit aningaasartuutissaannut 5.550-nik nuussinissaq kissaataavoq. (Inoqarfimmi inassuteqaat takuuk).

Aningaasat sinneri 3.346 t.koruunit konto 48-mut, innarluutilit sullinneqarnerinut, nuunneqarnissaat kissaatigineqarput.

Aningaasat sinnerinik innarluutilinnik sullissinermut nuussinissamik kissaat uannga tungaveqarpoq: ukioq 2018-mut naatsorsuutit suliarinerini ukioq 2018-mut ukiakkut missingersuusiornitsinnut sanilliullugu ukioq 2018-imi tamarmi ilimagisamit aningaasartuutit amerlanerusimaneri paasisimagatsigu.

3.346 t. Koruunit konto 48-mut nuunneqarnerisa kingorna ukiumut aningaasat missingiussat katillutik 69.748 t. koruuninngussapput.

Sanaartornermut aningaasat konto 7-p iluanni nalunaarsukkat taamatutaaq nalimmassarneqassapput katillutik 71.766 koruuninngussapput.

ANINGAASATIGUT KINGUNISSAI:

Konto 48-mut missingersuutit nalimmassarneqassapput 66.402 t. koruuniniit 69.748 koruuninut aamma konto 7-miittut allanngortinneqassapput ima 75.112 t. koruuniniit 71.766 koruuninut.

Aningaasanik nuussinerit ingerlatsinermut missingersuutit inernerinut sunniuteqassanngillat.

INASSUTEQAAT:

Immikkut ittumik aningaasaliissutit 3.346 t. koruunit konto 7-mit 48-mut nuunneqarnissaannik qinnuteqaat akuerineqassasoq inassutaavoq aamma kommunalbestyrelsimit akuerineqartussanngorlugu ingerlateqqinneqassasoq inassutaalluni.

AALAJANGERNEQ: Ulloq 16. April 2019 ataatsimiititaliaq INUA ataatsimiikkami

Inassuteqaat akuerineqarpoq

AALAJANGERNEQ:

Inassuteqaat akuerineqarpoq.

Suliap nr.	19-025	Ilanng. nr	1	Journal nr.	
Oqaluuserisag	Pilersaarutitut siunnersuut Kangaatsiap atuarfia				

EQIKKAANEQ:

Kangaatsiap atuarfissaata nutaap pilersaarutaatut siunnersuutitaa, B-mik missingersuutitalik, siunnersortimiit tiguneqarpoq. Pilersaarutip siunnersuutitaa INUIT aamma INOQARFIK suleqatigalugit suliarineqarpoq.

SULIAP SULIARINEQARNERA:

Kangaatsiap atuarfiata nutaap pilersaarutaata siunnersuutitaa suliarineqarpoq. "Atuarfitsialak" ("Den gode skole") naapertorlugu siunnersuusiortoqarpoq aamma suliniutissat atuarfinnik aaqqissuusseqqinnermut ilanngunneqarput. Pilersaarummut ilaatigut Majoriaq ilaatinneqarpoq. Atuarfik 11-nik aamma Majoriaq marlunnik atuartitsivittaqarpoq. Atuarfik meeqqanut 100-nut inissaqartitsisinnaavoq.

Pilersaarutitut siunnersuut ima aaqqissuunneqarpoq; sanaartugaq immikkoortunut pingasunut agguataarneqarsinnaavoq. Immikkoortumi siullermi atuartunut minnernut, trininut ataatsinut, atuartitsiviit 1-3 klassinut. Immikkoortut aappaanni atuartunut akullernut angajullernullu atuartitsiviit taakkununga akuullutik eqimattat sullivii aamma ataatsimoorfiusinnaasunut. Immikkoortut pingajuani ilaapput sannaviit, majoriaq silamilu piffiit.

Siunnersuut atuilersussat pisortaat qanimut suleqatigalugit pilersaarutitut siunnersuusiortoqarpoq. Kissaatit siunnersuummut ilanngunneqarput.

INATSISIT TUNNGAVIUSOQ:

- Atuarfik pillugu Inatsisartut inatsississaattut siunnersuut nr. 15, 3. December 2012-imeersoq
- Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq
- Pilersaarusiorneq aamma nunaminertat atorneqartarnerat pillugit Inatsisartut inatsissisaat nr. 17, 17. november 2010-imeersoq
- Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq
- Sanaartorneq pillugu Inatsisartut inatsisaat nr. 13, 26. maj 2010-meersoq

KINGUNISSAI:

Kangaatsiaq atuarfittaassaaq nutaamik, pilersaarutitut siunnersuummut atuarfeqarfiit aaqqissuuteqqinnerini suliniut ilanngunneqarpoq.

ANINGAASATIGUT KINGUNISSAI:

Kommunalbestyrelsi Kangaatsiami atuarfittaassamut 59 mio koruuninik missingersuutini immikkoortitsivoq. Pilersaarutitut siunnersuutip missingersuutaa B 63,4 mio. koruuninik aningaasartaqarpoq. Taassuma saniatigut Qullissat atuarfiata ingutserneqarneranut allaffissornermik suliallit missingiuppai 2 mio. koruunit anguneqassasut. Imaappoq pilersaarutip ingerlaqqinnissaanut 6,4 mio. koruunit ujartorneqassapput. Atuarfiliornissaq, Qullersat atuarfiata ingutserneqarnera ilanngullugu, katillugu 65,4 mio. koruuninik naleqassaaq.

SULIAP SULIARINEQARFIA:

Kommunalbestyrelsi

INASSUTEQAAT:

Qullersaqarfiup Ataatsimiititaliaq INOQARFIK siunnersorpaa,

Ataatsimiititaliap INOQARFIK-up pilersaarut, tassunga ilanngullugit pilersaarutitut siunnersuutip tamarmiusup 6,4 mio. kr. aningaasaliiffiqineqarnera, akuerissagaa inassutaavoq, kingornalu Ataatsimiititaliaq INUA-nut pilersaarutip piviusunngortinnissaanut ataatsimiititaliaq aningaasanik ujartuissasoq inassutigissagaa. Tamatuma kingorna Ataatsimiititaliap INUA-ta pilersaarutitut siunnersuut akuerineqassasoq kommunalbestyrelsimut inassutigissavaa.

ILANNGUSSAT:

Ilanngussaq 25-01: Pilersaarutitut siunnersuut, Kangaatsiami atuarfik nutaaq
Ilanngussaq 25-02: Missingersuut B
Ilanngussaq 25-03: Qanoq pisoqarnissaanut pilersaarut
Ilanngussaq 25-04: Illup silataasa titartagartai

AALAJANGERNEQ: Ulloq 17. April 2019 ataatsimiititaliaq INOQARFIK immikkut ittumik ataatsimiikkami

Inassuteqaat akuerineqarpoq.

AALAJANGERNEQ: Ulloq 23. April 2019 ataatsimiititaliaq INUA immikkut ittumik ataatsimiikkami

Inassuteqaat akuerineqarpoq

AALAJANGERNEQ:

Inassuteqaat akuerineqarpoq.

Suliap nr.	19-026	Ilanng. nr.	2	Journal nr.	
Oqaluuserisag	Aasianni utoqqaat illuata allinissaata sulariumannittussarsiuunneqarnerani angusat				

EQIKKAANEQ:

Aasianni utoqqaat illuata allilernissaata pilersaarutaa Sulariumannittussarsiuussineq ulloq 14.januar 2019-imi naamat sulianik tamanik suliartussap siunnersortaata neqeroorutit tigusani misissorpai aamma suliffeqarfiup suliassanik ataqatigiissaarisup neqeroorutai akikinnerit aallaavigalugit missingersuusiorpoq. Missingersuutini aningaasat immikkoortitat sipporneqartussanngortut paasineqarpoq.

SULIAP SULIARINEQARNERA:

Sulariumannittussasiornermi neqeroortitsererup kingorna sanaartugassap pilersaarutaani missingersuutit naatsorsorneqarmata 32,0 mio. koruunit missaanni sanaartugaq akeqassasoq suliassanik tamanik siunnersuisartup missingiuppai aamma missingersuutini aningaasat sanaartugassamut tassunga immikkoortinneqartut 4,0 mio. koruuninik sipporneqassasut paasineqarpoq.

Sularinnittussarsiuussinerup kingorna suliassanik tamanik suliartussap siunnersortaata akikinnerpaamik neqerooruteqartut suleqatigalugit sipaarniarfiusinnaasunik ujaasinini aallartippaa. Sipaarniarfiusinnaasunik ujaasinermi isumaqatiginninniarnit massakut suli ingerlapput, isumaqatiginninniarneq neqeroornermi akigitinneqartup akikillisaqqissinnaanera anguneqarsinnaassanersoq suli oqaatigiuminaappoq.

Taamaattoq sipaarniutissatut siunnersuutit allissutissap pitsaassusaanut aammalu atorneqarnissaanullu aalajangiussat ajornerulersinneqannginnissaat qulakkeerneqassaaq.

INATSISIT TUNNGAVIUSOQ:

- Pilersarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Sanaartornermi neqerooruteqartitsisarneq pillugu Inatsisartut inatsisissaat nr. 11, 2. december 2009-meersoq
- Sanaartorneq pillugu Inatsisartut inatsisissaat nr. 13, 26. maj 2010-meersoq

KINGUNISSAI/KONSEKVENSER:

Aasianni utoqqaat illuat allilerneqassaaq, init amerlineqassapput puigortunngortunut atorneqarsinnaasut, init sammisassaqartitsiviit aamma sulisut naqqup qeqqani init atorsinnaasai inittorneqassapput. Alliliineq atuisunut tamanut iluaqutaassaaq.

ANINGAASATIGUT KINGUNISSAI:

Kommunalbestyrelsi Aasianni utoqqaat illuata allilerneqarnissaanut 28 mio. koruuninik missingersuutini immikkoortitsivoq. Suliassaq 32 mio, koruuninik akeqartussatut neqerooruteqarfiuvoq aamma sipaarutissanik ujaasilluni isumaqatiginninniarnerni massakut siunnersuutaasoq 1,2 mio. koruuninik aningaasartaqarpoq, tassa imaappoq isumaqatiginninniarnermi siunnersuut akuerineqassanngippat pilersaarut piviusunngortinniarlugu 4,0 mio. koruuninik aningaasassarsiorortoqartariaqassaaq.

SULIAP SULIARINEQARFIA:

Kommunalbestyrelsi

INASSUTEQAAT:

Qullersaqarfiup Ataatsimiititaliaq INOQARFIK siunnersorpaa,

Suliariumannittussarsiuussinermi neqeroorut akikinnerpaaq ataatsimiititaliap Inoqarfiup taamaalilluni pilersaarut tamarmiusoq 4,0 mio. koruuninik immikkut ittumik aningaasaliiffineqassasoq akuerineqassaaq, tamatumalu kingorna pilersaarut piviusunngortinneqarsinnaaniassammat aningaasanik ujaasinissaq ataatsimiititaliaq Inuanut inassutigissagaa inassuteqaataapput. Tamatuma kingorna suliariumannittussarsiuussinermi neqeroorut akikinnerpaaq Ataatsimiititaliap INUA-p kommunalbestyrelsimit akuerineqartussanngorlugu inassutigissagaa inassuteqaataalluni.

ILANNGUSSAT:

Ilanngussaq 26-01: Suliariumannittussarsiuussinernup kingorna missingersuut ullulernerqarsimasoq 31. Januar 2019

Ilanngussaq 26-02: Sipaarniarniutissanik ujaasinermi isumaqatiginninniarnermi massakkut siunnersuut

AALAJANGERNEQ: Ulloq 17. April 2019 ataatsimiititaliaq INOQARFIK immikkut ittumik ataatsimiikkami

Inassuteqaat akuerineqarpoq.

AALAJANGERNEQ: Ulloq 23. April 2019 ataatsimiititaliaq INUA immikkut ittumik ataatsimiikkami

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Suliap nr.	19-027	Ilanng. nr.		Journal nr.	
Oqaluuserisaq	Aningaasaqarnermut inatsisissamut 2020-mut sanaartornissamik kissaatit				

EQIKKAANEQ:

Kommune Qeqertalik Aningaasaqarnermut inatsisissap 2020-ip suliarinissaanut sanaartornermut kissaateqarnissaminut aggersartinnikuuvoq. Sanaartornissamut kissaatit Aningaasaqarnermut Naalakkersuisoqarfimmut 23. april 2019 nassiutereerseqassapput.

SULIAP SULIARINEQARNERA:

Aningaasaqarnermut Naalakkersuisoqarfik Aningaasaqarnermut inatsisissamut 2020-mut sanaartornissamut kissaatit aggersarnikuuai. Aggersaannginnermi kommunip inoqarfiit tamaasa sanaartornissamut kissaatinik katersiffiginikuuai.

Aningaasaqarnermut inatsimmut 2019-imut sanaartornissamut kissaataanikut ilannguteqqinneqarnikuupput. Uani kissaatit amerlasuut Aningaasaqarnermut inatsimmut 2019-mut ikkunneqarnikuunngimmata. Massakut kissaatit iluanni kommuni ersarinnerusunik pilersaarutininik peqarpoq.

Inatsisit tunngaviusoq:

- Aningaasaqarnermut inatsisissamut siunnersuutissaq 2020

KINGUNISSAI:

Sanaartugassat qinnutigineqartut akuerineqassappata Kommune Qeqertalimmi sanaartugassat Namminersorlutik Oqartussat akileeqataaffissai kommunip innuttaasunut sullissineranut pitsanngorsaataassapput.

ANINGAASATIGUT KINGUNISSAI:

Qinnuteqaatit akuerineqartut naapertorlugit aningaasanik 2020-imi kommunimiit atungassanik eqquisussaavoq. Uani apeqqutaassooq, qinnutigineqartut sorliit akuerineqarnermut.

SULIAP SULIARINEQARFIA:

Kommunalbestyrelsi

INASSUTEQAAT:

Qullersaqarfiup Ataatsimiititaliaq INOQARFIK siunnersorpaa

Sanaartornissamut kissaatit Aningaasaqarnermut inatsisissamut 2020-imut akuerissangai, taassumalu kingorna Ataatsimiititaliaq INUA-nut ingerlateqqillungit. Ataatsimiititalip INUA-ta Kommunalbestyrelsimut ingerlateqqissuai akuerisassanngorlungit.

ILANNGUSSAT:

Ilanngussaq 27-01: Aningaasaqarnermut inatsisissamut 2020-imut sanaartornissamut kissaatit.

AALAJANGERNEQ: Ulloq 17. April 2019 ataatsimiititaliaq INOQARFIK immikkut ittumik ataatsimiikkami

Inassuteqaat akuerineqarpoq.

AALAJANGERNEQ: Ulloq 23. April 2019 ataatsimiititaliaq INUA immikkut ittumik ataatsimiikkami

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Sag nr.	19-028	Bilag nr.		Journal nr.	00.05
Oqaluuserisag	Domsmandit-inik toqqaaneq Eqqartuussisoqarfik Qaasuitsup 2018-2021				

EQIKKAANEQ:

Eqqartuussisarnermi inatsimmi § 35, imm. 2 naapertorlugu, Eqqartuussisoqarfinni domsmandit Kommunalbestyrelsemit toqqaarneqartarput, Kalaallit Nunaanni Eqqartuussivimmi eqqartuussisup inassuteqarnera naapertorlugu.

SULIAP SULIARINEQARNERA:

Eqqartuussivinni domsmandit ukiut sisamakkaarlugit toqqaarneqartarput, 1. Januar aallarnerfigalugu. Tamaattorli piffissaliussap iluani toqqaasinnaaneq ajornarani.

Taamaattumik Eqqartuussivinni domsmandit piffissamut 2018-2021, Kommunalbestyrelsimit toqqaarneqassapput.

Suliassaq ataatsimiitaliani ataavartuni suliarineqarnikuunngilaq, Kommunlabestyrelsimilli aaliangerneqassaaq.

INATSISITIGUT TUNNGAVIUSOQ:

Kalaallit Nunaanni Eqqartuussisarnermi Inatsit nr. 305, 30. april 2008-meersoq.

KINGUNISSAI:

Domsmanditut toqqaarneqarnermi avatangiisinut, sulisutut imaluunniit allanik akornutissaqanngilaq.

ANINGAASATIGUT KINGUNISSAI:

Soqanngilaq.

INASSUTEQAAT:

Kalaallit Nunaanni Eqqartuussivimmi eqqartuussisumit, domsmanditut toqqaarneqartoq, Kommunalbestyrelsimut akuereqqullugu Allattoqarfik inassuteqaateqarpoq.

ILANNGUSSAT:

Ilanngussaq 28-01 Kalaallit Nunaanni Eqqartuussivimmi eqqartuussisumit allakkat 11. april 2019-imeersut.

AALAJANGERNEQ:

Inassuteqaat akuerineqarpoq.

ILISIMATITSISSUTIT

Suliap nr.	Ilisimatitsissut	1	TIMI TARNILU
Oqaluuserisaq	Kommune Qeqertalimmi nersornaat		

Nersornaatissatut suliaq sivitsortumi ingerlasoq maanna killiffigivaa. Nooqutassaq sølviusoq tikissimalermat. Qallunaat nunaanni suliffeqrifik jyds emblem A/S suleqateqarnermi paasissutissiissutigineqarpoq Kommune Qeqertalimmut sullissisup soraarsimanera. Assimi ilanngussami takuneqarsinnaavoq ilusaa kiisalu bånditassaatut isumassarsiorfissat aamma assini takuneqarsinnaapput. Maannakkut bånditassanik niueqateqarneq ingerlanneqarpoq tikeriarpatalu ikkullugit iluittunngortillugit takuneqarsinnaalernissaa naatsorsuutaavoq.

Suliap nr.	Ilisimatitsissut	2	TIMI TARNILU
Oqaluuserisaq	Avannaata Qimussersua 2019 Qasigiannguani ingerlanneqartoq		

Kommune Qeqertalik Avannaata Qimussersua 2019-mut aningaasatigut kingumut tapiissuteqarpoq. Ukioq manna Aasianniit, Kangaatsiamiit kiisalu Qasigiannguaniit peqataatitaqartoqarneratigut aningaasanik 286.044,-kr annertussuseqartunik tapiissuteqarpoq. Illoqarfikkaartumik annertussuseralugit:

Aasiaat	68.036,-kr
Qasigiannguit	132.040,-kr
Kangaatsiaq	85.968,-kr
Katillugit	286.044,-kr

Ukioq manna Qeqertarsuarmit peqataatitsisoqanngilaq, qimminik akusaqartoqarsinnaaneranik misissuinerit ingerlanneqarneri pissutigalugit peqataatitsisoqarnissaa qimussertartut kattuffianit pissanngitsoq aalajangerneqarsimammat.

Taamaattoq ukioq 2017-mi Qeqertarsuarmit qimussersuarmut tapiissutaasimasut annertussuseqarput 66.000,-kr qulaaniittut ilanngullugit katikkaanni takuneqarsinnaavoq qanoq annertutigikkannersinnaaneri kommune qeqertallip tapiissutigisartagarisnaasai. 352.044,-kr

Suliap nr.	Ilisimatitsissut	3	TIMI TARNILU
Oqaluuserisaq	Per Kirkeby qalipangai pillugit ilisimatitsissut		

Ukioq 2018 ingerlanerani, Kommune Qeqertalik, Aasianni katersortafiup siulersuisui kiisalu Aqqaluk Lynge aamma Teit Jørgensen peqatingalugit, Per Kirkeby qalipangai Aasianni katersortarfimmi nivingasut pillugit suliniuteqarusuttunik Kommune Qeqertalik saaffigineqarpoq.

Per Kirkeby-p qalipangai takonarissanik alutorineqartaqisut toqukkut qimagunnerata kingorna soqutigineqarnerulersimapput atorluarneqarnerulersimallutillu. Tamanna pillugu suleqatiserinnineq tikilluaqqusimavarput, suleqatigiissutissanillu aallartissilluta.

Kommune Qeqertalik postkort-inik plakat-inik aallarniutissanik sanatitsivoq, taakkulu Aasianni Katersortarfimmut tunissutigineqartussaapput. Unalu suliniut neriuutigineqarpoq takornariaqarnermut allanullu inerisaanissanut iluaqutaajumaartoq. Kommunalbestyrelse-mi ilaasortat arlallit kulturikkut illoqalernissamik siunnersuutigisartagaat kiisalu Najukkami Ataatsimiisitaliap suliassatut innersuussutaa tunngavigalugit Katersortarfiup siulersuisui Per Kirkeby-p ikinngutai suleqatigalugit soqutiginarumik oqaloqatigiinnermik aallartitaqarput.

Suliap nr.	Ilisimatitsissut	4	INUA
Oqaluuserisaq	Ataatsimiititaliat ilaasortaasa naapillutik ataatsimiinnissaat		

Ukioq 2019 ataatsimiititaliat ilaasortaasa naapillutik ataatsimiiffissaat ullui sumiiffissallu aaqqinneqarput, ilanngullugu kommunalbestyrelsep ilaasortaasa naapinnissaasa ullui

Ilanngussaq ilisimatitsissut 4-1 ataatsimiititaliat naapinnissaannut ullui sumiiffiilu.

ATAATSIMIINNEQ NAAVOQ: 12:04**ATSIORFISSAQ:**

Hansen, Ane

Olsen, Peter

Sørensen, Hector Lennert

Samuelsen, Aqqa

Aronsen, Hans

Petersen, Thomas

Kristensen, Niels

Zeeb, Hansiaraq

Sandgreen, Enok

Mølgaard, Timooq

Jeremiassen, Otto

Jeremiassen, Kristian

Frederiksen, I Ole

Broberg, Kristian

Kristensen, Naja
